

汝等時時登銅雀臺望吾西陵墓田又云餘香可分與諸夫人諸舍中無所為學作履組賣也吾歷官所得綬皆著藏中吾餘衣裘可別為一藏不能者兄弟可共分之既而竟分焉亡者可以勿求存者可以勿違求與違不其兩傷乎悲夫愛有大而必失惡有甚而必得智慧不能去其惡威力不能全其愛故前識所不用心而聖人罕言焉若乃繫情累於外物留曲念於閨房亦賢俊之所宜廢乎於是遂憤懣而獻弔云爾

接皇漢之末緒值王塗之多違佇重淵以育鱗撫慶雲而遐飛運神道以載德乘靈風而扇威摧羣雄而電擊舉勅敵其如遺指八極以遠略必翦焉而後綏釐三才之闕典啓天地之禁闈舉脩網之絕紀紐大音之解徽掃雲物以貞觀要萬塗而來歸丕大德以宏覆援日月而齊暉濟元功於九有固舉世之所推彼人事之大造夫何往而不臻將覆篲於浚谷擠為山乎九天苟理窮而性盡豈長算之所研悟臨川之有悲固梁木其必顛當建安之三八實大命之所艱雖光昭於曩載將稅駕於此年惟降神之繇邈眇千載而遠期信斯武之未喪膺靈符而在茲雖龍飛於文昌非王心之所怡憤西夏以鞠旅泝秦川而舉旗踰鎬京而不豫臨渭濱而有疑冀冀翼日之云溲彌四旬而成災詠歸塗以反旆登嶠澗而竭來次洛汭而大漸指六軍曰念哉伊君王之赫奕寔終古之所難威先天而蓋世力盪海而拔山厄奚險而弗濟敵何彊而不殘每因禍以禔福亦踐危而必安迄在茲而蒙昧慮噤閉而無端委軀命以待難痛沒世而永言撫四子以深念循膚體而積歎道營魄之未離假餘息乎音翰執姬女以頓瘁指季豹而灌焉氣衝襟以嗚咽涕垂睫而沈瀾遠率士以靜寐戢彌天乎一棺咨宏度之峻邈壯大業之允昌思居終而恤始命臨沒而肇揚援貞吝以恭悔雖在我而不憾惜內顧之纏緜恨末命之微詳紆廣念於履組塵清慮於餘香結遺情之婉孌何命促而意長陳法服於帷座陪窈窕於玉房宣備物於虛器發哀音於舊倡矯感容以赴節掩零淚而薦觴物無微而不存體無惠而不亡庶聖靈之響像想幽神之復光苟形聲

之翳沒雖音景其必藏徽清絃而獨奏進肺補而誰嘗悼總帳之冥漠怨西陵之茫茫登爵臺而羣悲時美目其何望既睇古以遺累信簡禮而薄葬彼裘紱於何有貽塵謗於後王嗟大戀之所存故雖哲而不忘覽遺籍以慷慨獻茲文而悽傷

祭文

祭古冢文并序

謝惠連

東府掘城北塹入丈餘得古冢上無封域不用磚甃以木為槨中有二棺正方兩頭無和明器之屬材瓦銅漆有數十種多異形不可盡識刻木為人長三尺可有一二十餘頭初開見悉是人形以物根撥之應手灰滅棺上有五銖錢百餘枚水中有甘蔗節及梅李核瓜瓣皆浮出不甚爛壞銘誌不存世代不可得而知也公命城者改埋於東岡祭之以豚酒既不知其名字遠近故假為之號曰冥漠君云爾

元嘉七年九月十四日司徒御屬領直兵令史統作城錄事臨漳令亭侯朱林具豚醪之祭敬薦冥漠君之靈忝總徒族版築是司窮泉為塹聚壤成基一槨既啓雙棺在茲捨吝悽愴縱鍾漣而獨靈已毀塗車既摧几筵糜腐俎豆傾低盤或梅李盎或醢醢蔗傳餘節瓜表遺屣追惟夫子生自何代曜質幾年潛靈幾載為壽為夭寧顯寧晦銘誌堙滅姓字不傳今誰子後曩誰子先功名美惡如何蔑然百堵皆作十仞斯齊墟不可轉塹不可迴黃腸既毀便房已頽循題與念撫甬增哀射聲垂仁廣漢流渥祠骸府阿掩骼城曲仰羨古風為君改卜輪移北隍窀穸東麓曠即新營棺仍舊木合葬非古周公所存敬遵昔義還祔雙魂酒以兩壺牲以特豚幽靈髣髴我犧樽嗚呼哀哉

祭屈原文

顏延年

維有宋五年月日。湘州刺史吳郡張邵。恭承帝命。建旗舊楚。訪懷沙之淵。得捐珮之浦。弭節羅潭。艤舟汨渚。乃遣戶曹掾某。敬祭故楚三閭大夫屈君之靈。蘭薰而摧。玉纈則折。物忌堅芳。人諱明絜。曰若先生。逢辰之缺。溫風怠時。飛霜急節。羸革遘紛。昭懷不端。謀折儀尚。貞蕙椒蘭。身絕郢闕。跡徧湘干。比物荃蕙。連類龍鸞。聲溢金石。志華日月。如彼樹芬。實穎實發。望汨心秋。瞻羅思越。藉用可塵。昭忠難闕。

祭顏光祿文

王僧達

維宋孝建三年。九月癸丑朔。十九日辛未。王君以山羞野酌。敬祭顏君之靈。嗚呼哀哉。夫德以道樹。禮以仁清。惟君之懿。早歲飛聲。義窮幾象。文蔽班揚。性焯剛絜。志度淵英。登朝光國。實宋之華。才通漢魏。譽浹龜沙。服爵帝典。棲志雲阿。清交素友。比景共波。氣高叔夜。嚴方仲舉。逸翮獨翔。孤風絕侶。流連酒德。嘯歌琴緒。游顧移年。契闊宴處。春風首時。爰談爰賦。秋露未凝。歸神太素。明發晨駕。瞻廬望路。心悽目泣。情條雲互。涼陰掩軒。娥月寢耀。微燈動光。几牘誰炤。衾衽長塵。絲竹罷調。嗟悲蘭宇。屑涕松嶠。古來共盡。牛山有淚。非獨昊天。殲我明懿。以此忍哀。敬陳奠饋。申酌長懷。願望獻秋。嗚呼哀哉。

文選卷三十終

大正十一年五月三日印刷  
大正十一年五月六日發行

國譯漢文大成

文學部第四卷

〔非賣品〕

編輯者兼

國民文庫刊行會  
東京市神田區小川町一番地

右代表者

鶴田久作  
東京市本郷區西片町十番地

印刷者

土谷清隆  
東京市小石川區久堅町百八番地

印刷所

株式會社 博文館印刷所  
東京市小石川區久堅町百八番地

著者權所有

發行所

電話神田三二六〇番  
振替東京一八五七二番

國民文庫刊行會

發行所

東京市丸の内區三丁目二番

國文會

書目録

目録	序	甲	乙
目録	序	甲	乙
目録	序	甲	乙
目録	序	甲	乙

大正十一年六月六日發行

東京市丸の内區三丁目二番



